

TUSHUNCHALAR

5. Ushbu standartda foydalanilgan tushunchalar:

Pul mablagʻlari — kassadagi naqd pul va talab qilib olinadigan depozitlar, shuningdek bankning hisob-kitob, valyuta va boshqa schyotlaridagi mablagʻlar.

Pul ekvivalentlari — maʼlum pul mablagʻiga tez va oson almashtiriladigan hamda qiymatidagi oʻzgarishlar tufayli uncha koʻp boʻlgan qisqa muddatli, yuqori likvidli investisiyalar (moliyaviy qoʻyilmalar).

Pul oqimlari — pul mablagʻlari hamda ular ekvivalentlarining oqimi (tushumi) va chiqimi (sarflanishi, chiqishi)dan iborat.

Pul oqimlari toʻgʻrisidagi hisobot — hisobot davrida pul mablagʻi oqimlarini batafsil koʻrsatuvchi koʻrsatkichlar yigʻindisi.

Operasion faoliyati — xoʻjalik yurituvchi subʼyektning daromad keltiruvchi asosiy faoliyati, shuningdek subʼyektning investisiya va moliya faoliyatiga oid boʻlmagan oʻzga xoʻjalik faoliyati.

Investisiya faoliyati — pul ekvivalentlariga kiritilmagan uzoq muddatli aktivlar va boshqa investisiya obʼyektlarini sotib olish va sotish.

Moliyaviy faoliyat — xoʻjalik yurituvchi subʼyektning faoliyati boʻlib, uning natijasida oʻz mablagʻi va qarz mablagʻlari miqdori va tarkibida oʻzgarishlar yuz beradi.